

# Ogimáke Inanokíwin ondji Anishin ábe tanakíwinan

Míkan zinadjigan – Pídji Pibón Kízis 2026

Ogimákewin Kebek inanokí kidji minobideg kichi ódenaw ogimákewin ashidj kidji mígiwedj kijjawiziwin taj Kebek inákonigewin. Nínawind ni oditinánánán kakina kikenindamókiwin ondji ogimákedjig kidji kwayak ijinágog. Nínawind kágige kwagwedjitómin kidji eshkam sóngizin kidji onzikág ni wíkwadjitómin iye.

## Niwawenímin kidji mino nagishkamang nandawenind ágwag igeg ogim ákedjig

Níbina pibóng ájaye, nigí nagishkamónánán pikán ogimákewin tódamowin kidji minobideg kesháwádj ogimákedjig.

- Ogimákewin kichi kikinámádinán pagidinág kekinámawindjig kidji ogimákewadj kichi kikinámádináning, onzáam ká'n abisíg endáwádjín.
- Ogimáke ondamítádjig ijíwag wíyagi ogamigon, násáb igodj kawigiká ogamigon, ondji endaniziwadj indaje kidji ogimákewadj igeg.
- Igeg tash agwadjehe Kebekong endaniziwadj wenibig megwe ogimákewin kida gashkitóg kaye wínawa.

## Onón ondjisin kíjenindágodon kidji nónd inakág ogimáke kego kibising ashidj kidji kagánzoge ondji ogog mákizidjig.

Iye ishkwayadj kichi ódenaw ogimákewin nóndesin kidji nakwetang nandawenindágwag ondji Anishinábe tanakíwinan. Násáb igodj, ni kikenindánánán ogo wa ogimákedjig nánind odanakíwinawán nagishkanáwán ega kwayak apích ogimákewadj gaye kidji wínatibinawe inóndiziwadj.

Apích 2023, Ogimáke Kebekong, ogí ayáwan kesháwadj pemádizidjig ondji Anishinábe kinawe ogimákewadj. Kidji minobideg ondji kichi ogimákewin mámawi Anishinábe tanakíwinan inakág Kebekong, kidji mikwandáng nandawenindágwag ondji Anishinábe ogo enígánídjig ondaje ogimákewining.

## **Odápinang ijichigewin ondji Anishin ábe tanakíwinan**

Kebek mega taniziwag ashidj endáwadj ogo mámawi 11 pikin Anishinábeg. Pepejig kakina mega pejigo, mámawi wín ánikeyádjimowin ashidj tebwewin. Nínawind nandawenindánánán kidji kikenindamáng onon ádisókán ashidj kidji nisidotamáng tebwewin kidji mino nagishkamáng nandawenindágwag Anishinábe tanakíwinan. Ni kikenindánánán ánimiziwin eteg iyo tanakíwinan wásawag tash kaye inen tanakíwinan peshodj eteg ódenawing. Kidji kinawe kikenindámáng onon tanakíwinan, ijinágwad kidji nagishkamáng ashidj kidji pizindamáng wínawa ehindidwadj.

Ni kikeninánánán inen ánimiziwin mánedon ashidj kakina pikinóng. Nitam, niga ondji mádjítámin eji wásawad tanakíwinan, memindage inen ega gashkitówadj kidji ogimákewadj. Ni nandawenindánán kidji wídókáziyang ondji Anishinábe ogimákewin iye apítenindámowadj opimádjíwowin gaye tebwewin.

**Nínawind inanokíyáng inenindágwad awasonon niswe asinan.**

### **1. Mádjíbamáng wídjikewinan**

#### **Ojitóyang tebweyindiziwin mámawi Anishinábe tanakíwinan**

Niwí ojitónánán songan wídjikiwediwin mámawi Anishinábe tanakíwinan memindage onon wása. Nidapenimomin kidji ojitóyang wídjikiwediwin ashidj tebweyenindiziwin.

- Apích ijiminoseg, niminwenidámin kidji nagishkodiýáng. Nidinanokídjig kida ijíwag kwayak tanakíwinawán kishpin nandawenindamowadj.

#### **Odápin Anishinábeg endaniziwadj odanakíwinawán.**

Nínawind niwí sóngitónánán nagadendawin mámawi tanakíwinan apích odápinagig ogimákewin ondamitádjig wendjibáwadj ono tanakíwinan. Awaso tash kida kinawe wídókáwag ashidj kidji kikenindámódj ogimáke tebwewin.

- Niwí odápináná awiya pepejig tanakíwinan wása.

## **2. Kidji mino ábadjítónánán nínawind inanokíwinan**

### **Odápin Anishinábe ijichigewin ashidj**

Nandawenindanánán kidji mino nagishkamang nandawenindjigewinan Anishinábe tanakíwinanpekish apítenindaman tibahigewin ashidj ijichigewin mámawi Ogimákewin.

- Niga wewenind ayángwamíwin ondji kegoshish inakág píndigeskádj ogimáke eshkwegon.

### **Keget kidji mino onzikág ogimákewin kikenindamókíwin ondji Anishinábeg kawí ogimákedjig**

Ninawind niga ondamitámin kidji kikenindamókíyáng ijichigewinan kágige kidjiminobideg ondji Anishinábe ogimákedjig kinawe wewenind.

- Niga ijichigemin kakina awiyag kidji oditinang kikenindamowin kidji ogimákedj.

### **Kidji ishpinámang kikenindamowin ondji ogimákewin, memindage ondji weshkinígidjig**

Nínawind nandawenindanánán kidji mino kikenindámowadj Anishinábe tanakíwinan iye ogimákewin. Niga ayánánán memindage kikenindamowin ondji weshkinígidjig.

- Nínawind nida ándjítónánán ogimáke kikinamáge ijichigewin ondji Anishinábe tanakíwinan, mámawi owídokázowin, kishpin andawenindamowadj.

## **3. Kidji mashkawatoý áng iye kikenindam áng**

### **Kidji kágige andakikenindjigeyáng ondji Anishinábe ogimákewin pajádjig**

Nínawind kidji kikenindamáng inakág ogimáke pajádjig Anishinábe tanakíwinan kidji mino ijinágog.

- Niga ábadjítónánán ni andakikenindjigewin kidji mino nisidotáman Anishinábe ogimákewin.

### **Kidji mashkawatonáng ogimáke kikenindamowin ondji Anishinábeg**

Ni nandawenimánán Ogimákedjig Kebekong kidji mino nisidotamowadj Anishinábe ijichigewin.

- Awaso kida pagamise inakág kikinamágewin konima gaye ayapích máwandjihidinán.

## **Meshkodonigewin mámawi kodagan Kánáďá ogimákewin nígánídjig**

Ni nandawenindánánán kidji kágige meshkodonimang mámawi kodagan Kánáďá ogimákewin nígánídjig kidji nóndágeyáng ijichigewinan ondji Anishinábe tanakíwinan.

- Niga ojitónánán wáseya inenindamowin awasonon inanokíwinan iye pínadj wídókawáganag agwadjehi Kebekong.

Awaso míkan zinázowin mí iye pangi kinwesh wábandjigewin. Kakina kego agindágwad ashidj kakina ogimákewin kidji minose kidji oditináman onon wadódamang. Kidji inenindágoziwadj tanakíwinan ijinágwad, onzam mega ondamitán mámawi wínawa kida nagishkanánán eji nandawenindámowadj. Awaso míkan zinázowin mí iye nitam ijichigewin inakág sóngag ashidj á sokán meshkodoseg.